

Siunnersuut: Inatsisartut Ombudsmandiat pillugu Inatsisartut inatsisaat.
(Inatsisartut Siulittaasoqarfiat)

Saqqummiussissut
(Inatsisartut Siulittaasuat)

Siullermeerinnineq

Inatsisartut Ombudsmandiat pillugu Inatsisartut inatsisissaattut siunnersuut Inatsisartut Siulittaasoqarfiat sinnerlugu matumuuna saqqummiunneqarpoq.

Siunnersuummi inatsimmi ataasiakkaanik allannguisoqarpoq. Tassunga ilanngunneqarluni ombudsmandip pinngitsoorani 65-inik ukioqalernermit soraarsitaasussaanera 70-inik ukioqalernermit qaffanneqarluni.

Tamatuma saniatigut ombudsmandip aningaasarsiaqartitaanera- aamma atorfinitsinneqarnermi piunasaqaatatiliunneqartut pillugit aalajangersagaq ersarissaaffigineqarpoq, inatsisartut inatsisaanni atuuttumi oqaasertaliornera ersarluttumik oqaasertaliugaammat. Taassuma saniatigut maannakkut inatsisip oqaasertaani ersarissarneqarpoq ombudsmandi pisinnaatitaaffeqartoq tamatumunnga malittarisassat naapertorlugit sulinermit atatillugu inissaminik innersuussiffigineqarsinnaalluni.

Tamatuma saniatigut inatsisip qallunaatuuani ersarissaasoqarpoq, ersersinneqarluni ombudsmandi inatsisilerinermit kandidatitut soraarummeersimasuussasoq. Naggataatigullu inatsisissatut siunnersut imaqarpoq inatsisip kalaallisuaani oqaatsitigut ersarissaanernik.

Inatsisip oqaasertaani ataasiakkaani ersarissaasoqarpoq, taaguutit eqqortut Inatsisartut inatsisaanni atorneqalerlutik. Inatsimmi taaguutit atorneqartut inatsisini allani taaguutinut atorneqartunut naapertuuttuunerat inatsisissatut siunnersuutikkut qulakkeerneqarpoq matumani Ombudsmandip ataatsimut periaasianut tunuliaqutaasoq ilanngullugu eqqarsaatigalugu.

Siunnersuut taamatut oqaaseqarlunga Inatsisartuni akuersaartumik oqaluuserisassanngor-tippara.